

Proceso de selección de candidatos para mobilidades no curso 2017/18 FCT/Recén Titulados/as -programa KA102- dentro do programa Erasmus+

Ábrese o prazo para solicitar prazas de mobilidades para todas aquelas persoas que, atopándose matriculadas no segundo curso dun ciclo medio ou da formación profesional básica no período académico 2017-18, vaian realizar a FCT ou titulen dentro deste mesmo curso. Aquelas persoas que teñan interese en acceder a elas poderán presentar instancia no prazo que vai dende mañá, día 28 de novembro ata as 14 horas do vindeiro xoves día 14 de decembro.

Aquelas persoas que queiran participar no proceso de selección deberán cubrir a instancia -que poderán solicitar na secretaría do centro- e achegar a documentación que estimen pertinente para que lles sexan valorados os méritos segundo os criterios de selección fixados para este proceso que se acompañan a continuación.

Unha vez rematado o prazo de presentación de instancias, publicarase unha listaxe das persoas solicitantes -tanto admitidas como excluídas de ser o caso-. Contra esta listaxe provisoria poderase reclamar no prazo de dous días hábiles. No caso de haber reclamacións resolveranse no día hábil seguinte, publicándose a continuación a listaxe definitiva.

Criterios de selección de participantes nas mobilidades Erasmus+

A selección das persoas solicitantes farase con arranxo aos seguintes criterios, non sendo ningún deles excluínte:

- **Expediente académico.** (35 % do total de baremo)

entre 5 e 5,99 puntos =	1 punto
entre 6 e 6,99 puntos =	1,5 puntos
entre 7 e 7,99 puntos =	2 puntos
entre 8 e 8,99 puntos =	2,5 puntos
entre 9 e 10 puntos =	3 puntos

- **Coñecementos de idiomas e formación complementaria.** (35 % do total de baremo)

Dentro deste apartado valoraranse:

- Certificados oficiais dalgún idioma que se poida empregar nas mobilidades:

A2=	1 punto
B1=	2 puntos
B2=	3 puntos
C1=	4 puntos
C2=	5 puntos.

- Entrevista sobre manexo do idioma da mobilidade (valoración de 0 a 3 puntos) para valorar os seus coñecementos prácticos do idioma no que se vaia desenvolver a mesma.

Valorado polo equipo coordinador do Programa Erasmus +

- Asistencia a xornadas informativas, conferencias e interese sobre o programa Erasmus +

Valorado polo equipo coordinador do Programa Erasmus + e o equipo directivo.

Bastante= 1 punto
Moito= 2 puntos

-Valoración do equipo docente (30 % do total de baremo)

Dentro deste apartado as persoas pertencentes ao equipo docente do ciclo valorarán aspectos como madureza, motivación, capacidade de traballo, traballo en equipo, autonomía e responsabilidade do alumno/a, ponderando a valoración do distintos aspectos de 0 a 100%

Mala (valoración ponderada inferior a 50%)= 0 puntos
Boa (valoración ponderada entre 50% e 70%)= 2 puntos
Excelente (valoración ponderada entre 71% e 100%)= 4 puntos

Dentro deste apartado poderase realizar unha entrevista de motivación ás persoas candidatas para valorar a súa motivación e actitude de cara á mobilidade solicitada.

Ao remate do proceso publicarase unha listaxe das persoas presentadas coa valoración obtida polas mesmas tendo en conta os criterios anteriormente reflectidos. No caso de que presenten a súa solicitude un número de persoas superior ao de prazas das que vaia dispor o centro resultarán adxudicatarias das mesmas aquelas persoas que estean dentro do número de postos ofrecido, quedando o resto de persoas candidatas ordenadas como suplentes por se fallara algunha das adxudicacións iniciais.

No caso de que se presenten persoas de diferentes familias profesionais adxudicaranse as prazas respectando un reparto equitativo entre especialidades.

En Vilalba, a 27 de novembro de 2017

O director



Asdo.: Emilio Silva Otero